

易

林

冊二

易林卷第五

三三震下兌上隨

鳥鳴東西迎其羣侶不得自專空返獨還

無註

之乾

鼻目易處不知香臭君迷於事失於共居一二云失

其寵位

無註

坤

唐虞相輔鳥獸喜舞安樂無事國家富有

虞書夔曰於予擊石拊石百獸率舞

屯

左輔右弼金玉滿櫃常盈不亡富如敖倉

無註

蒙

蒼龍單獨與石相觸摧折兩角

無註

需

釣目厭部善逐人走來嫁無夫不安其廬

無註

訟

逐虎驅狼避者不祥凶惡北行與喜相逢

無註

師

齎貝贖狸不聽我辭繫於虎鬚牽不得來

無註

比

岡載共輿中道別去喪我元夫獨與孤居

岡當作同

小畜

奮翅鼓翼將之嘉國愆期失時反得所欲

無註

履

目傾心惑夏姬在側申公顛倒巫臣亂國

春秋宣公十年陳靈公通於夏姬其子徵舒病

之出自廐射而中之

泰

搏鳩彈鵲逐兔山北丸盡日暮失獲無得

無註

否

鹿求其子虎廬之里唐伯季耳貪不我許
無註

同人

敗魚鮑室晁不可息上山履塗歸傷我足
無註

大有

華燈百枝消衰暗微精光訖盡奄有灰靡
無註

謙

顏叔子夏遨遊仁宇溫良受福不失其所
顏叔子淵之父顏無繇也子夏姓卜名商

豫

梁柱堅固子孫蕃盛福喜盈積終無禍悔
無註

蠱

邊鄙不聳民狎其野稽人成功年歲大有
無註

臨

蛇牛鳴咆呼求水潦雲雨大會流成河海
無註

觀

志合意同姬姜相從嘉耦在門夫子悅喜

春秋左傳曰雖有姬姜無棄憔悴

噬嗑

白馬駸駘更生不休富有商人利得如丘

無註

賁

大姒夏禹經啓九道各有攸家民得安所

大禹姒姓九道九州之道書禹別九州

剝

甲戌己庚隨時轉行不失其心得且安寧

無註

復

穆違百里使孟厲武將師襲戰敗於穀口

秦穆公違蹇叔之言使百里孟明視出師襲鄭

孟卽孟明視也厲謂嚴厲武事也

无妄

茅茹本居與類相扶顧慕羣旅不離其巢

易泰卦曰拔茅連茹以其彙征吉

大畜

伯仲叔季日暮寢寐坐臥失明喪其貝囊
無註

頤

亡羊補牢張氏失牛駢駟奔走鵠盜我魚
無註

大過

雀目燕鰓畏昏無光思我佼童不見子充
詩曰不見子充乃見佼童註云子充猶子都也

坎

入暗出明動作有光運轉休息常樂允康
無註

離

不勝私情以利自嬰北室出孤毀其良家
無註

咸

稱幸上靈媚悅於神受福重重子孫蕃功
無註

恆

齊姜叔子天文在位實沈參墟封爲康侯
齊姜武王后叔子卽太叔當齊姜方震太叔夢

帝謂己余命而子曰虞及生有文在手曰虞遂以命之及成王滅唐而封太叔焉參爲晉星實沈參神也出左傳魯昭公元年

遊

遨遊無患出入安全長受其歡君子萬年

無註

大壯

被服文德升入大麓四門雍肅登受大福

書曰納于大麓烈風雷雨弗迷註麓山足也

晉

負金懷玉南歸嘉國蜂蠆不螫利入我室

蠆音寨螫音釋

明夷

日在阜顛鄉昧爲昏小人成羣君子傷倫

無註

家人

永父海母先來鳴咷澤臯之士從高而處

無註

睽

東隣少女爲王長婦柔順利貞宜夫壽子

無註

蹇

戴顓望天不見星辰顧小失大福逃於外

顓音否

解

王喬不病狗頭不痛三口失履乏我逆從

王喬古仙人名三口按韻府羣玉有上尸中尸下尸居人身中凡庚申日上詣天曹言人罪福出酉陽雜俎

損

使鷲築室身無庇宿家不容車微我衣服

無註

益

威權分離鳥夜徘徊爭蔽月光大人誅傷

無註

夫

辯變白黑巧言亂國大人失福君子迷惑

無註

妬

依踞甲鎧敝筐受貝大人不顧少婦不取棄捐於

道

無註

萃

鸞雀銜笄以生孚乳兄弟六人妓好悌孝得心懽
忻和悅相樂

無註

升

登几上輿駕駟南遊合從散衡燕秦以僵

蘇秦主從張儀主衡秦事燕儀事秦按禮部韻
毛居正曰以六攻一爲從以一離六爲橫合之
曰從衡

困

黷黷許許仇偶相得冰入炭室消亡不息

無註

井

鷓鴣破斧邦人危殆賴其忠德轉禍爲福傾亡復
立

鷓鴣破斧皆詩豳風篇名言周公誅管蔡以安
周室之事

革

載金販狗利弃我走藏匿淵渠悔折爲咎
無註

鼎

泉坑復平宇室安寧憂患解除賴福長生

無註

震

驪姬讒嬖與二孽謀譖啄恭子賊害忠孝駕出嘉
門商伯有喜

春秋左傳晉獻公嬖驪姬驪姬欲立其子奚齊
賂外嬖梁五東闢嬖五譖毀羣公子及世子申
生恭子卽申生也

艮

刺羊不當血少無羹女執空筐不得採桑
無註

漸

牧羊稻園聞虎喧囂畏懼悚息終無禍患

無註

歸妹

明德隱伏麟鳳遠匿周室傾側不知所息

孔子作春秋絕筆於獲麟之後周室衰焉語云

鳳鳥不至吾已矣夫

豐

鄰不我顧而求玉女身多禿癩誰肯媚者

無註

旅

初雖無與後得戰車賴幸逢福不罹兵革

無註

巽

水壞我里東流爲海龜鳧謹囂不睹王母

無註

兌

兩心不同或欲西東明論終始莫適所從

無註

渙

天帝懸車廢禮不朝禳福不制失其寵家

天文有帝車星

節

交川合浦遠濕難處水土不同思吾皇祖

交川卽交州合浦產明珠

中孚

句踐之危棲於會稽太宰機言越國復存

按史勾踐越王名爲吳所敗以餘兵棲會稽鳥宿曰棲越依山林故云會稽山名在越

小過

慈烏鳴鳩執一無尤寢門內治君子悅喜

無註

既濟

當年早寡獨立孤居雞鳴犬吠無敢問諸我生不遇獨離寒苦

無註

未濟

江河變服淫湎無側高位顛崩寵祿反覆

無註

三三巽下艮上蠱

魴生江淮一轉爲百周流天下無有難惡

無註

之乾

首澤與目載受福慶我有好爵與汝相迎

易繫辭我有好爵吾與爾靡之

坤

易

一珍伽宋版
鞠鞠輻輳歲莫偏蔽寵名捐弃君衰在位

無註

屯

折若蔽日蘭屏王目司馬無良平子沒傷

楚詞折若木以拂日兮若木木名在崑崙西極
其華光照下地蘭屏未詳 魯伐季平子平子
登臺三請弗許叔孫氏之司馬驪戾言於衆曰
凡有季氏與無孰利皆曰無季氏是無叔孫也
遂伐公徒公孫于齊

蒙

家在海隅撓繞深流王孫單行無妄以趨

無註

需

執義秉德不危不殆延頸盤桓安其室檀屯耗未
得終無大恤

無註

訟

長舌亂家大斧破車陰陽不得姬姜衰憂

無註

師

二人異路東趨西步千里之外不相知處
無註

比

視闇不見雲蔽日光不見子都鄭人心傷
詩山有扶蘇篇云不見子都註云子都男子之
美稱也

小畜

初憂後喜與福爲市八佾列陳飲御嘉友
八佾舞列也

履

童妾獨宿長女未室利無所得
無註

泰

玄黃四塞陰雌伏謀呼我牆屋爲巫所識
無註

否

中復摧頽常恐衰微老復賴慶五穀爲相
百里奚亡之秦楚鄙人執之繆公以五穀羊皮
贖之號曰五穀大夫

同人

伯氏殺羊行悖天時毫社夷燒朝歌丘墟
毫當作亳商都也朝歌紂所都也

大有

日短夜長祿命分張早離父兄免見憂傷
無註

謙

采唐沫鄉期於桑中失期不會憂思約帶

詩桑中爰采唐矣沫之鄉矣云誰之思美子孟姜
矣唐蒙菜也沫衛邑

豫

昧視無光夜不見明冥抵空牀季葉逃亡

未詳

隨

舉趾振翼南至嘉國見我伯姊與惠相得

無註

臨

則天順時周流其墟與樂並居无有咎憂

無註

觀

蠶室蜂戶螫我手足不可進取爲吾害咎

無註

噬嗑

公孫駕驪載遊東齊延陵悅產遺季紵衣

產鄭大夫子產季吳公子季札聘於鄭子產獻以紵衣出左傳

賁

轉作驪山大失人心劉季發怒禽滅子嬰

按史記秦始皇大發天下工匠徭役咸陽建阿房宮直抵驪山表以此失衆民之心致漢高祖遂滅秦

剝

羊腸九縈相推稍前止須王孫乃能上天

無註

復

蟠螭充側佞人傾惑女謁橫行正道壅塞

蟠螭止奔也螭螭在東莫之敢指女子有行遠父母兄弟

无妄

福祿不遂家多怪祟麋鹿悲啼思其大雄

無註

大畜

雲雷因積大雨重疊久不見日使心悒悒

無註

頤

三河俱合水怒踊躍壞我王室民困無食

三河唐人都河東殷人都河內周人都河南三河在天下之中史貨殖傳

大過

日雨夜行早遍辟城更相覆傾終無所成

無註

坎

褒后生蛇垂老盲微倒跌哀公西滅黃離

褒后卽褒姒初夏之衰褒人之神化爲二龍以伺王庭夏后卜藏其燬至周末發而觀之燬化爲黿童女遇之而孕是生褒姒

離

鴻鴈南飛隨時休息轉逐天和千歲不衰

無註

咸

後時失利不得所欲莫亨偕結自逐自逐